



Canllaw i ganlyniadau

L1/2 Dyfarniadau Galwedigaethol
L3 Tystysgrifau a Diplomâu Cymhwysol
Project Estynedig
L1/2 Lladin
L2 Mathemateg Ychwanegol
Lefel Mynediad

Haf 2021

Cynnwys

1.	Diwrnod y Canlyniadau	3
i)	Casglu Canlyniadau Arholiadau	3
ii)	Beth i'w Ddisgwyl	3
iii)	Sut mae'r Canlyniadau yn cael eu dangos ar y Slip Canlyniadau	3
	L1/2 Dyfarniadau Galwedigaethol	4
	L3 Tystysgrifau a Diplomâu Cymhwysol	4
	Project Estynedig	4
	L1/2 Lladin a L2 Mathemateg Ychwanegol	4
	Lefel Mynediad	4
iv)	Symbolau a ddefnyddir ar slip canlyniadau	5
2.	Beth i'w wneud os yw ymgeisydd yn pryderu am ganlyniad?	5
3.	Pryd bydd tystysgrifau ar gael?	6

1. Diwrnod y Canlyniadau

i) Casglu Canlyniadau Arholiadau

Rhaid i ymgeiswyr dderbyn eu canlyniadau arholiadau oddi wrth eu canolfan, fel arfer ar y Diwrnod Canlyniadau swydddogol.

Yn Haf 2021, bydd y canlyniadau yn cael eu cyhoeddi

o 8.30am **ddydd Mawrth 10 Awst** ar gyfer Cymwysterau Lefel 3

o 8.30am **ddydd Iau 12 Awst** ar gyfer Cymwysterau Lefel 2

Dylai ysgolion a cholegau roi gwybod i bob ymgeisydd pa drefniadau sydd ar waith ar gyfer derbyn y canlyniadau. Dylai'r ymgeiswyr hefyd gael gwybod gyda pha aelodau o staff yr ysgol neu'r coleg y dylent drafod unrhyw ymholiadau neu bryderon sydd ganddynt am unrhyw ganlyniadau. Efallai y bydd angen i drefniadau fod yn wahanol i rai blynyddoedd blaenorol, a bydd angen i'r trefniadau hyn ystyried y cyngor diweddaraf gan y llywodraeth sy'n berthnasol i'ch ardal chi.

Nid yw CBAC yn gallu darparu na thrafod canlyniadau dros y ffôn na drwy gyfathrebu ar e-bost ag ymgeiswyr neu rieni, hyd yn oed os yw'r ysgol neu'r coleg wedi cau. Dylai ymgeiswyr, felly, gadarnhau â'u hysgol neu goleg pryd a ble y bydd canlyniadau ar gael i'w casglu a sut a gyda phwy y gallent drafod unrhyw faterion neu bryderon.

Ni ddylid datgelu canlyniadau i unrhyw un arall gan gynnwys awdurdodau lleol a'r cyfryngau tan ar ôl 9:30am ar ddiwrnod y canlyniadau perthnasol. Cyhoeddir y manylion yn llawn, gan gynnwys unrhyw gyfyngiadau sy'n ymwneud â rhyddhau canlyniadau, yn nogfen y CGC **Rhyddhau canlyniadau Mehefin 2021**.

ii) Beth i'w ddisgwyl

Ar Ddiwrnod y Canlyniadau, bydd ymgeiswyr fel arfer yn derbyn darn o bapur gyda'u canlyniadau arno. Os yw ymgeiswyr wedi sefyll cymwysterau gyda byrddau arholi gwahanol, gallan nhw dderbyn mwy nag un slip canlyniadau, neu gall yr ysgol neu goleg greu un slip sy'n dangos yr holl ganlyniadau gyda'i gilydd.

Canlyniadau rhagarweiniol yw'r rhain ar hyn o bryd; gellir gwneud newidiadau yn ddiweddarach, yn dilyn adolygiad gan y ganolfan neu apêl.

iii) Sut mae'r canlyniadau yn cael eu dangos ar slip canlyniadau?

L1 /2 Dyfarniadau Galwedigaethol

Bydd slipiau canlyniadau yn dangos canlyniadau ymgeisydd ar gyfer pob cymhwyster a safodd ymgeisydd yn ystod y gyfres arholiadau honno

Ar gyfer y cymhwyster yn gyffredinol, bydd canlyniadau'n dangos y radd fel Lefel 1 Llwyddiant (P1), Lefel 2 Llwyddiant (P2), Lefel 2 Teilyngdod (M), Lefel 2 Rhagoriaeth (D) neu Lefel 2 Rhagoriaeth* (D*)

Os yw lefel cyflawniad ymgeisydd islaw'r safon isaf, bydd yr ymgeisydd hwnnw'n derbyn canlyniad annosbarthedig (U) ac ni fydd yn derbyn tystysgrif am y cymhwyster.

Dangosir canlyniadau unedau dysgwyr sydd ran o'r ffordd drwy'r cwrs fel Q. Y dyddiad olaf i gyflwyno graddau yw 17 Medi 2021 gyda chanlyniadau unedau i'w cyhoeddi ar 5 Tachwedd 2021.

L3 Tystysgrif a Diplomâu Cymhwysol

Bydd slipiau canlyniadau yn dangos canlyniadau ymgeisydd ar gyfer pob cymhwyster a safodd yr ymgeisydd hwnnw yn ystod y gyfres arholiadau honno

Ar gyfer cymwysterau wedi'u graddio o A-E, y radd uchaf yw A. Ar gyfer y Diplomâu, wedi'u graddio o A*-E, y radd uchaf yw A*.

Ar gyfer cymwysterau wedi'u graddio P/M/D/D*, P = Llwyddiant, M = Teilyngdod, D = Rhagoriaeth y radd uchaf yw D* (Rhagoriaeth*).

Os yw lefel cyflawniad ymgeisydd islaw'r safon isaf, bydd yr ymgeisydd hwnnw'n derbyn canlyniad annosbarthedig (U) ac ni fydd yn derbyn tystysgrif am y cymhwyster.

Dangosir canlyniadau unedau dysgwyr sydd ran o'r ffordd drwy'r cwrs fel Q. Y dyddiad olaf i gyflwyno graddau yw 17 Medi 2021 gyda chanlyniadau unedau i'w cyhoeddi ar 5 Tachwedd 2021.

Project Estynedig

Bydd slipiau canlyniadau yn dangos canlyniadau ymgeisydd ar gyfer y cymhwyster a safwyd.

Adroddir y radd fel A* - E.

Bydd canlyniadau sy'n methu â chyrraedd y safon isaf ar gyfer yr uned yn cael eu dangos fel U (annosbarthedig) ac ni fyddant yn derbyn tystysgrif am y cymhwyster.

L1/2 Lladin a L2 Mathemateg Ychwanegol

Bydd slipiau canlyniadau yn dangos canlyniadau ymgeisydd ar gyfer pob cymhwyster a safodd yr ymgeisydd hwnnw yn ystod y gyfres arholiadau honno.

Adroddir y radd fel A* - G (gradd A* yw'r radd uchaf).

Bydd canlyniadau sy'n methu â chyrraedd y safon isaf ar gyfer yr uned yn cael eu dangos fel U (annosbarthedig) ac ni fyddant yn derbyn tystysgrif am y cymhwyster.

Lefel Mynediad

Bydd slipiau canlyniadau yn dangos canlyniadau ymgeisydd ar gyfer y cymhwyster a safwyd.

Mae canlyniadau Lefel Mynediad yn cael eu hadrodd fel 1, 2 neu 3 yn dynodi Llwyddiant ar naill ai Mynediad 1, Mynediad 2 neu Mynediad 3 a Mynediad 3 yw'r radd uchaf.

Bydd y canlyniadau sy'n methu â chyrraedd y safon isaf ar gyfer y dyfarniad yn cael eu dangos fel U (annosbarthedig).

iv) Symbolau a ddefnyddir ar slip canlyniadau

Yn ogystal â graddau, gall slipiau canlyniadau gynnwys symbolau eraill:

Mae **X** yn dangos nad yw canlyniad yn cael ei gyhoeddi oherwydd absenoldeb yr ymgeisydd ar gyfer pob cydran/uned. Mae'n bosibl hefyd y penderfynwyd peidio â chyhoeddi canlyniad. Ni fydd unrhyw bwnc ag (X) yn ymddangos ar y dystysgrif.

Mae **Q** yn dangos nad yw canlyniad cyffredinol yn cael ei gyhoeddi gan na ddarparwyd gradd.

2. Beth i'w wneud os yw ymgeisydd yn pryderu am ganlyniad

Mae'n bwysig bod ymgeiswyr yn trafod unrhyw bryderon â'u canolfan, swyddog arholiadau neu athro fel arfer, a phenderfynu ar yr opsiynau gorau sydd ar gael. **Cynghorir ymgeiswyr i gadw mewn cysylltiad agos â'u canolfannau i sefydlu'r ffordd orau o gysylltu â nhw yn ystod y cyfnod yn syth ar ôl y canlyniadau. Rhaid i ymgeiswyr gysylltu â'u canolfan i gael canlyniad ymholiadau am ganlyniadau. Ni all CBAC gadarnhau canlyniadau ymholiadau am apeliadau yn uniongyrchol i ymgeiswyr.**

Os yw ymgeisydd yn credu bod gwall wedi'i wneud wrth gyrraedd ei ganlyniad, yn gyntaf dylai ofyn i'w ganolfan gynnal adolygiad canolfannau (cam 1 o'r broses apeliadau ar gyfer haf 2021). Mae ffurflen gais ar gael ar wefan y CGC neu mae'n bosibl y bydd y ganolfan wedi creu ei ffurflen ei hun. Rhaid i'r ysgol neu goleg ddweud wrth ymgeiswyr beth yw trefniadau a therfynau amser gofyn am adolygiad canolfannau. Os yw'r ymgeisydd yn gofyn amdano yna mae'n rhaid i'r ysgol neu'r coleg gynnal yr adolygiad. Bydd y ganolfan yn gwirio a yw wedi gwneud gwall gweinyddol neu weithdrefnol, neu'r ddau.

Os yw'r ymgeisydd yn credu bod gwall o hyd, ar ôl cwblhau'r adolygiad canolfannau, dylai ofyn i'w ganolfan gyflwyno apêl i CBAC ar ei ran. Gall ymgeiswyr ofyn i CBAC wirio a oedd barn academiaidd y ganolfan yn afresymol wrth benderfynu ar y radd neu wrth ddewis y gwaith a ddefnyddiwyd i benderfynu ar y radd. Hefyd, gall ymgeiswyr ofyn i CBAC wirio a wnaeth y ganolfan wall gweithdrefnol neu weinyddol, neu a wnaeth CBAC ei hun wall gweinyddol.

Mae'n bwysig nodi y gall marciau aros yr un fath, mynd i fyny neu fynd i lawr, wrth wneud cais am adolygiad canolfannau neu apêl. Cyn i ysgol neu goleg gynnal adolygiad neu gyflwyno eu hapêl i CBAC rhaid i ymgeiswyr roi eu cydsyniad drwy lofnodi'r ffurflen gais, yn ysgrifenedig neu'n electronig.

Bydd canlyniad apêl yn cael ei gyhoeddi yn uniongyrchol gan CBAC i'r ysgol neu goleg, a byddan nhw wedyn yn trosglwyddo'r wybodaeth i'r ymgeiswyr. **Unwaith y bydd penderfyniad wedi'i wneud, ni ellir adfer y radd wreiddiol dan unrhyw amgylchiadau, hyd yn oed os yw'r radd newydd yn is na'r radd wreiddiol.**

Mae arweiniad llawn i'w weld ar ein [gwefan Edugas](#).

3. Pryd bydd tystysgrifau ar gael?

Anfonir tystysgrifau i ganolfannau yn ystod mis Tachwedd 2021.

Dylai ymgeiswyr wirio bod eu manylion personol, enw a dyddiad geni, yn gywir ar y slip canlyniadau a rhoi gwybod i'r Swyddog Arholiadau os oes unrhyw wallau. **Rhaid i Swyddogion Arholiadau roi gwybod i CBAC am wallau, yn ysgrifenedig, yn ddim hwyrach na dydd Iau 9 Medi 2021.** Os na fydd gwallau'n cael eu cywiro yn y cyfnod hwn, bydd cost am dystysgrifau newydd ar ôl eu cyhoeddi. Dylai ymgeiswyr gadarnhau â'u hysgol neu goleg beth yw'r trefniadau ar gyfer derbyn eu tystysgrifau.